

أطلق عدد من النشطاء دعوة على مواقع التواصل الاجتماعي طالبوا فيها كافة المواطنين في المناطق العشوائية بحمل "زبالتهم" وإلقائها أمام مقار الأحياء بالمناطق العشوائية بسبب التجاهل المتعمد من مسؤولي الأحياء بالقيام بعملهم بتنظيف شوارع الأحياء بالمناطق العشوائية.

ويهدف أصحاب الدعوة بتذكير مسؤولي الأحياء بأن هناك مواطنين لهم حقوق يجب أن يحصلوا على حقوقهم في الخدمات التي يدفعون مقابلها أموالا من دخولهم.

الدعوة كانت مبادرة على أحد المقاهي بمنطقة شعبية على لسان إحدى سائقي التاكسيات عندما قال لرواد المقهى "مادام بندق فلوس الزبالة مع النور واديكم اهو شايفين الزبالة فى كل مكان إيه المانع نجيب عربية نقل ونحط فيها زبالة الشارع ونرميها عند الحى طالما هما مش عاوزين ينصفوا الشوارع خلاص نعيشهم ولو يوم واحد من اللى احنا بنشوفه".

مضيفا "بالحلم إنه يوم 13-21 يبقى يوم مختلف على العشوائيات ولو مجرد بداية أرجوكم ادعوا الناس للحملة ونفذوها وخلصونا نغير المستقبل بإيدنا وكل المطلوب أنك وأنت نازل الصبح أو بالليل أو بأى وقت لو ملقتش صندوق زبالة ولقيت الزبالة فى كل حته قدامك ارمى زبالتك قدام مجلس الحى علشان يتحركوا، احنا من حقنا نعيش أحسن من كذا طالما بندق فلوس علشان الزبالة ليه بنشوفها فى وشنا ولا هى اتكبتت علينا يعنى ولا إيه، ليه ميقاش كل أحياء القاهرة وأحياء مصر كلها زى حى جاردن سیتی إيه المانع يعنى واللى فاكر إن دا مستحيل أسأل أهل محافظة قنا إزاي استطاع المحافظ عادل لبيب انه يحول قنا لقطعة من أوروبا بإمكانات بسيطة الموضوع مش محتاج اجتماعات ودراسات وأجندات ومفیش تغيير وإنما إحنا نجبرهم على التغيير ودا أبسط حقوقنا وأكرر تانى من فضلك لو ملقتش صندوق زبالة قدام بيتك "ارمى زبالتك قدام الحى".

"أنا من حقى أحلم ومن حقى أنفذ حلمى ومن حقى أعيش فى بيئة نظيفة، خصوصا لو بندق فلوس النظافة دى إلى جانب الضرايب شاركونى حلمى وعرفوا الناس بيه أنتم كمان من حقكم تعيشوا كويس وأقولها للمرة الأخيرة لو نازل بكيس زبالة أو جردل زبالة أو عربية دبش وهدد عمارة ومش لاقى المكان اللى الحى موفره علشان ترمى زبالتك إوعى تضر جارك أو تضر نفسك وترمى الزبالة قدام بيتك إنما "ارمى زبالتك قدام الحى".

وحسب صفحة الحملة التي زاد أعضاؤها عن عدة آلاف فإن الهدف الأساسي من الحملة هو أن مصر بداية من يوم 31 ديسمبر المقبل لن تكون هناك زبالة مرمية فى الشارع وتكون بلدنا نظيفة وأن من شهر يناير المقبل سيكون لدينا فى مصر مصانع من أجل إعادة تدوير الزبالة دى (القمامة) منها هنتفيد من الزبالة فى تصنيع حاجات كتيرة ومنتجات وكمان خلق فرص عمل، وكمان بلدنا يكون فيها هواء نظيف.

وطالب القائمون على الدعوة من المواطنين تقديم أفكار من أجل المساعدة فى استغلال الزبالة "اتطوع وقول فكرة ومصر مليئة بالعلماء والأهم من كذا تنفيذ الأفكار وكل واحد يبدأ بنفسه. تم وضع ايميل للتواصل مع الحملة يا ترى لو كنت رئيس الدولة كنت هتعمل إيه فى مشكلة الزبالة؟؟؟؟

شاركونا الحلم حلم أكثر من 06 مليون مصرى عايشين فى العشوائيات  
ايميل الحملة clean\_egypt2011@yahoo.com

وطالب مسئولو الصفحة كافة المواطنين الراغبين فى المشاركة تزويد الحملة بصور الزبالة وعناوين المناطق المفروض نظافتها مع ضرورة كتابة اسم الحى الذى تتبعه المنطقة.

كاتب المقالة :

تاريخ النشر : 31/08/2011

من موقع : موقع الشيخ الدكتور/ محمد فرج الأصفر

رابط الموقع : [www.mohammdfarag.com](http://www.mohammdfarag.com)